



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Prognosticon Aus Gottes Wort nötige Erinnerung/ Vnd
Christliche Busspredigt zu dieser letzten bösen Zeit An
hohe vnd nider Standes Deutsches Landes: Auff den
Cometen/ so von Martini des 1577. Jars/ ...**

Irenäus, Christoph

[Erscheinungsort nicht ermittelbar]

VD16 I 292

IX. Warumb man den ernstest Busspredigern feindt sey.

urn:nbn:de:hbz:466:1-36702

hörer / geschoben hat / wie er denn vber das Euanges-
lium am zehenden Sonntag Trinitatis / in seiner Kir-
chenpostill sagt: Wenn Vnglück vnd Straffe für der
Thür ist / so liagt vñ schreyet die Gottlose Welt / wes-
re das Euangelium nicht kommen / so were vns sol-
ches nicht widerfahren / Gleich wie die Jüden zu Jesu-
salem alle ire Plagen dem schuldt gaben / das die
Apostel predigten / vnd selbst vber iren Hals weissaga-
ten: Wo der Christus mit seinem Euangelio würde
fortfahren / so würden die Römer kommen / vnd iren
Land vnd Leute nemen. Also auch hernach die Rö-
mer ire Zerstückung diesem neuwen Gott (Christo)
vnd der neuwen Lere schuldt gaben. Gleich wie man
jetzt sagt: Weil das Euangelium auff kommen sey /
seyes nie gut gewesen.

IX.

Warumb man den ernstten Busspredi-
gern feindt sey.

WIRD ist fast jederman den rechtschaffenen Pre-
digern feindt / man lestert vñ schendet sie wo man
kan vnd mag. Weiß man aber Grund vnd Ursach von
iren wissen wil / warumb man iren feindt sey / so frag
man ihr Gewissen darumb / das saget vnd bekennet
beymlich / vnd singet darinne ein solch Vögelein: Ich
bin dem Prediger feindt vnd gram / ich helffe in vber-
geben / lestern / verfolgen / heben vnd schieben. Ey lies-
ter warumb / oder aus was Ursachen? Er rühret / er
trifft / er strafft mich auch / etc. Das kan man denn
meisterlich für den Leuten vertuschen / vnd einen an-
dern Senff daher malen / vnd Deckmantel umbhen-
gen / wie vorhin gemeldet / das es anderer Ursach hal-
ben geschehe / Wie sie denn der Teuffelsmentel vnd
K Seygen

Seygenbleter viel haben / dem mus man nicht der Augspurgischen Confession zugethan / vnd ein Lutherner seyn / ein andern mus man nit recht von der Erbünde oder andern Artickeln lehren / dem mus dis / oder nem andern das gethan haben / etc.

Aber sie mögen menteln vnd täuschen wie sie können / so offenbaret der H. Geist jr Hertz vnd Ursache ihres Hass / gegen die standthafftige Busprediger / Amos 5. Sie sind dem gram / der sie im Thor / das ist öffentlich / strafft / vnd haben den für ein Grewel / der heylsam lehret. Mich. 2. Wenn ich ein Irgeist were vnd ein Lügenprediger / vnd predigte / wie sie sauffen vnd schwelgen (mit Papisten vnd Calvinisten colludiren vnd panctetiren solten) das were ein Prediger für dis Volck. Vnd wil gleich der Prophet ex Amos theil. zum Gegenspiel gemeint vnd verstanden haben. Weil ich aber solche vnd dergleichen Sünde straffe vnd Ampts vnd Gewissens halben straffen mus / so sind sie mir gram.

Desgleichen zeiget der H. L. R. R. Christus / Joh. 7. ausdrücklich die Ursach an / warumb man in vnd allen seinen trewen Dienern vnd Buspredigern feind ist: Die Welt (spricht er) hasset mich. Warumb? Des ich zeuge von jr / das ire Werck böse sind / das ist / Ich straffe ire Abgötterey / Irthumb vnd Sünde / on ansehen der Person / damit verdiene ich der Welt Hass vngunst vnd Verfolgung.

Sihe / lieber Mensch / da entdecket der H. Geist die Ursach / warumb man Christlichen ernstern Buspredigern feind vnd gram ist: warumb man sie entweilaubet / sagt vn̄ plagt / die Welt wil vngestrafte seyn vnd wer sie strafft / der mus ihre Feindschafft / Tadel vnd Hass auff sich laden.

Vnd

Vnd ob sie solches nicht gestehen wöllen / das sie
darumb den Predigern feindt sind / vnd die Ursache
ires Hasses / sonst bemanteln vnd beschöner / so zeucht
inen der H. Geist ihre Deckmentel vnd Schönhütlein
aus vnd ab / das sie für Gott vnd allen frommen Chri-
sten mit Schanden bestehen / in dem Jerem. 2. gesagt
wird: Wenn du dich gleich mit Laugen wäschest / vnd
nemest viel Seyffen darzu / so gleisset doch deine Un-
tugendt desto mehr für mir / spricht der H. E. R. R.
H. E. R. R. Item / Was wolt jr noch recht haben wis-
der mich: Ir seyd alle von mir abgefallen / spricht der
H. E. R. R. / Alle Schlege sind verloren an ewren Kin-
dern / sie lassen sich doch nicht ziehen / denn ewer Scha-
wirdt frisset gleichwol ewer Propheten / wie ein wü-
tiger Löwe / du böse Art / merck auff des H. E. R. R.
Wort / etc. Item daselbst / Was schmückest du viel dein
Thun / das ich dir gnedig sol seyn: vnter solchem
schein treibest du je mehr je mehr Bosheit: vber das sin-
det man Blut der armen vnd vnschuldigen Selen bey
dir / an allen Orten / vnd ist nicht heymlich / sondern
offenbar an denselben Orten / noch sprichstu: Ich bin
vnschuldig / er wende seinen Zorn von mir. Sihe / ich
wil mit dir rechten / das du sprichst / Ich hab nicht ges-
ündigt.

X.

Heuchelpropheten vnd Suppenprediger / Ver-
gleicher vnd Verstreicher der Irthumben / stercken
die Gottlosen Lehrer vnd Zuhörer in ihren
Sünden / vnd helfen rechtschaf-
fene Prediger ver-
folgen.

R ij

Solches